

**Brjef landshöfðingja til stíptisyfirvaldanna um lán til jarðabóta á prestssetri —** Með brjefi þessu veitti landshöfðingi sjera Ólafi Ólafssyni, presti til Efri-**75**  
Holtapinga, 300 kr. embættislán úr landssjóði uppí kostnað við jarðabætur á prestssetri-  
inu Guttormshaga, og ber að ávaxta lánið með 4% á ári og endurborga það á 12 árum  
með tiltölulegum hluta á ári.

**Brjef landshöfðingja til sýslumannsins í Rangárvallasýslu útaf beiðni um** **76**  
**frest á greiðslu vaxta og afborgana af hallærisláni veittu 1882.** — Í þóknanlegu brjefi, 24. júní.  
dagsettu 14. f. m., hafið þjer, herra sýslumaður, fyrir hönd sýslunefndarinnar í Rangár-  
vallasýslu farið þess á leit, að sýslusjóðnum verði veittur frestur til útgöngu yfirstand-  
andi fjárhagstímabils með afborgun og greiðslu vaxta af láni því, sem sýslusjóðnum  
hefur verið veitt úr viðlagasjóði til að afstýra hallæri.

Útaf þessu gefst yður til vitundar, yður til leiðbeiningar og til frekari ráðstöfunar,  
að það lán það, sem hjer er um að ræða, er veitt á árinu 1882, og sýslusjóðnum eptir  
heimild þeirri, sem til þess var gefin í 4. gr. fjárlaganna fyrir árin 1884 og 1885, hefur  
verið veitt með landshöfðingjabrjefi 29. nóvbr. 1884 eptirgjöf til ársloka 1885 á leigum  
af láni þessu, gegn því að frá þeim tíma greiðist 4% í leigur og lánið sjálft endur-  
borgist á 8 árum með  $\frac{1}{8}$  hluta á ári, þá verður ekki veitt nein frekari undanþága frá  
greiðslu vaxta og afborgana af optnefndu láni, enda nær ákvörðunin í 4. gr. fjárlaganna  
fyrir 1886 og 1887, um eptirgjöf á leigum af lánnum úr landssjóði, aðeins til þeirra hall-  
ærislána, sem veitt eru á árunum 1884 og 1885.

**Brjef landshöfðingja til sýslumannsins í Skagafjarðarsýslu útaf beiðni um** **77**  
**frest á greiðslu vaxta og afborgana af hallærisláni veittu 1883.** — Útaf þóknanlegu 24. júní.  
brjefi yðar, herra sýslumaður, dagsettu 4. marz þ. á., þarsem þjer fyrir hönd hrepps-  
nefndarinnar í Staðarhreppi farið þess á leit, að hreppnum verði veitt undanþága eða  
frestur um eitt ár með greiðslu vaxta og afborgunar af hallærisláni úr landssjóði, gefst  
yður til vitundar, yður til leiðbeiningar og til frekari birtingar, að það lán það, sem  
hjer er um að ræða, er veitt sýslusjóði Skagafjarðarsýslu á árinu 1883, en ákvörðunin í  
4. gr. fjárlaganna fyrir árin 1886 og 1887 um eptirgjöf eða frest með greiðslu vaxta af  
lánnum úr viðlagasjóði aðeins nær til þeirra hallærislána, sem veitt eru á árunum 1884  
og 1885, þá brestur stjórnina að minni ætlun heimild til að veita undanþágu þá, sem  
farið er fram á.

**Brjef landshöfðingja til amtmannsins yfir suðuramtinu og vesturamtinu um** **78**  
**hallærislán handa Mýrasýslu.** — Með brjefi þessu veitti landshöfðingi Mýrasýslu 350 kr. **26** júní.  
hallærislán úr viðlagasjóði til að afstýra hungursneyð í Álptaneshreppi, gegn því að lánið  
verði ávaxtað með 4% á ári og endurborgað á næstu 4 árum með  $\frac{1}{4}$  á ári hverju.

**Brjef landshöfðingja til amtmannsins yfir norður- og austuramtinu viðvíkj-** **79**  
**andi láni til Staðarbyggðarmýra.** — Eptir að jeg með þóknanlegu brjefi yðar, herra **29.** júní

79 amtmaður, dagsettu 11 p. m., hefi meðtekið skýrslur umboðsmannsins yfir Munkapver-  
29.júní. árklauturs umboði og tillögur yðar viðvíkjandi framkvæmd á þeirri ákvörðun í 4. gr. fjárlaganna fyrir árin 1886 og 1887, að af láni til Staðarbyggðarmýra greiðist að eins 4% á ári af hinni upphaflegu upphæð, fellst jeg á, að með tilliti til þess hluta lánsins, sem hvílir á Þjóðjörðum og sem afborgun og vextir greiðast af í hækkuðum jarðarafgjöldum, þá sje sú hækkun jarðarafgjaldanna færð niður um  $\frac{1}{3}$  af hinni upphaflegu upphæð hennar, þannig, að landsskuldarnar af jörðum þessum verði:

Af Grýtu . . . . .	153	álnir	Af Syðri-Tjörnum með Syðri-	
— Uppsölum . . . . .	173	—	Tjarnakoti . . . . .	218
— Klauf . . . . .	65	—	— Hóli . . . . .	95
— Syðra-Laugalandi . . . . .	287	—	— Ytri-Tjörnum . . . . .	213
— Ytra-Laugalandi . . . . .	220	—	— Ytri-Tjarnakoti . . . . .	105

en að vextir af þeim hluta lánsins, sem hvílir á legatsjörðunum Munkapverá og Kristnesi, og sem var upphaflega kr. 666,67 á hinni fyrnefndu jörð og kr. 800,00 á hinni síðarnefndu greiðist með 4% af þessum upphæðum eða með kr. 26,67 af Munkapverá og kr. 32,00 af Kristnesi.

Að því er aptur á móti snertir þann hluta optnefnds láns, sem ætlazt var til að hvíldi á bændaeygninni Kroppi og sem upphaflega nam 800 kr., þá er jeg yður, herra amtmaður, samdóma um, að þarsem eigandi þessarar jarðar aldrei hefur undirgengist að taka þátt í láninu nje að leggja neina skuldbinding á jörð sína í tilefni af því, þá sjeu engin tiltök að ganga að honum nje jörð hans, að því er snertir greiðslu vaxta af þessum hluta lánsins, heldur eigi landssjóður í þessu efni aðganginn að fyrrum umboðsmanni, Eggerti Gunnarssyni, samkvæmt landshöfðingjabrjefi 1. desbr. 1880, með því að hann hafði vanrækt að útvega þá trygging fyrir upphæðinni, sem krafizt hafði verið, enda virðist Eggert hafa kannast við ábyrgð sína af þessari upphæð, með því að borga vexti og afborgun af henni úr sínum vasa fyrir 2 ár. Lánshluti sá, sem hjer ræðir um, var, eins og áður segir, upphaflega 800 kr., en er fyrir 2 afborganir kominn niður í . . . . . kr. 767,36  
Þar við bætast rentur til  $\frac{11}{6}$  83,  $\frac{11}{6}$  84,  $\frac{11}{6}$  85 og  $\frac{11}{6}$  86 . . . . . — 122,76

Samtals kr. 890,12

En þarðauki virðist Eggert Gunnarsson eiga að bera ábyrgð af greiðslu þeirrar upphæðar, kr. 152,72, sem ræðir um í landshöfðingjabrjefi 15. júlí f. á. og sem eru vantandi dagvextir af Staðarbyggðarmýraláninu fyrir 23. marz 1880, að svo miklu leyti sem þessi upphæð fæst ekki greidd hjá hlutaðeigandi leiguliðum. Eptir þessu yrði öll sú upphæð, sem Eggert Gunnarsson á að bera ábyrgð á útaf láninu til Staðarbyggðarmýra, kr. 1042,84 auk dagvaxta af kr. 767,36 frá 11. p. m.

Þarð Eggert Gunnarsson með skuldbindingarskjali dags. 20. febrúar 1880 hefur veðsett landssjóði með leyfi eigandans 10 hndr. í Æsustaðagerði til tryggingar fyrir skilvísri greiðslu á afborgunum og vöxtum af Staðarbyggðarmýraláninu, þá verður ekki hjá því komizt, til að vernda rjett landssjóðsins, að leita borgunar í þessum jarðarhundraðum fyrir þeirri upphæð, sem Eggert Gunnarsson eptir áðursögðu hefur ábyrgð á í tilefni af optnefndu láni, og skal jeg því þjónustusamlega skora á yður, herra amtmaður, að gjöra ráðstafanir til þess, að eigandi umgetinna jarðarhundraða verði kallaður fyrir sáttanefnd til þess annaðhvort að greiða landssjóði upphæð þá, sem þau eru í veði fyrir, eða að samþykkja, að landssjóður láti selja þau á opinberu uppboðsþingi og leiti borgunar í uppboðsandvirðinu.